

## Thirrje për aplikim:

Nëse jeni grua që aktualisht mban pozitë drejtuese në nivel lokal ose aspironi të hyjë në sferën e politikës, dhe po kërkonit të avanconi karrierën tuaj, të angazhoheni në mënyrë efektive në proceset aktuale dhe/ose të ardhshme të politikave publike dhe vendimmarrjes, dhe më e rëndësishmja, nëse jeni agjente e ndryshimit – **atëherë ky program është për ju!**

Duke u mbështetur në sukseset e dy edicioneve të mëparshme, Misioni i Organizatës për Siguri dhe Bashkëpunim në Evropë (OSBE) në Kosovë po e lanson edicionin e tretë të *Programit EmPOWER për gratë politike në nivel lokal* (në tekstin e mëtejshëm EmPOWER).

EmPOWER shtrihet përgjatë një periudhe shtatë mujore, përfshin një seri prej pesë sesionesh, dhe secili sesion kërkon pjesëmarrje fizike. Si pjesë e programit, dhe për të nxitur kohezionin në grup dhe marrëdhëniet ndërpersonale, do të organizohet kampi pranveror dy-ditor (i planifikuar paraprakisht për muajin maj 2024, vendi nuk është përcaktuar ende). Përveç kësaj, pjesëmarrësit do të kenë mundësinë e mbajtjes së sesionit të mentorimit individual me ekspertin e njohur ndërkombëtar për barazi gjinore dhe pjesëmarrje të grave në politikë.

Qëllimi kryesor i programit është të rrisë vetëbesimin e pjesëmarrësve, të rrisë kapacitetet e tyre, të ofrojë mentorim dhe të lehtësojë ndarjen e aktive të përvojave.

## Pasqyrim i programit:

Programi shtatë-mujor fokusohet në zhvillimin e aftësive të udhëheqjes politike dhe është i hapur për gratë që aktualisht janë në pozita udhëheqëse në mbarë Kosovën, si dhe për ato me aspirata për të hyrë në politikën lokale. Programi bazohet në parimet e barazisë, pjesëmarrjes, transparencës dhe llogaridhënies, me qëllimin kryesor forcimin e pjesëmarrjes dhe përfaqësimit të grave në sferën publike dhe në politikë. Ai synon të fuqizojë pjesëmarrëset që të luajnë rol më të rëndësishëm në proceset e vendimmarrjes dhe të avokojnë së bashku për qëllime të përbashkëta.

Programi synon të:

- Rrisë aftësitë e udhëheqjes politike të pjesëmarrësve;
- Rrisë na maksimum potencialin transformues të pjesëmarrësve, duke e pozicionuar veten si agjente efektive të ndryshimit;
- Të inkurajojë dhe forcojë iniciativën politike të pjesëmarrësve, pjesëmarrjen dhe efektivitetin në angazhimet e tyre individuale dhe kolektive;
- Ofroj pjesëmarrësve qasje në rrjetin e grave politike në mbarë Kosovën.

## Kualifikimet:

Ftojme gratë anëtare të kuvendeve komunale, grupeve lokale të grave dhe gratë me aspirata politike nga Kosova që të aplikojnë për këtë program. Kandidatët duhet të demonstrojnë interesim dhe angazhim të madh në temat që lidhen me barazinë gjinore dhe pjesëmarrjen e përfaqësimit politik të grave. Pjesëmarrësit e përzgjedhur duhet të angazhohen për pjesëmarrje dhe angazhim të plotë në program, dhe pas përfundimit të suksesshëm të të gjitha sesioneve, do të pranojnë certifikatë të përfundimit të programit.

## Procesi i përzgjedhjes:

Pas vlerësimit të të gjitha aplikimeve, komisioni përzgjedhës do të zgjedhë 30 kandidatë të cilët i plotësojnë kriteret e kualifikimit.

Pjesëmarrësit duhet:

- Të jenë gra të cilat aktualisht kanë pozita drejtuese në nivel lokal ose që aspirojnë të hyjnë në politikë.
- Të demonstrojnë përkushtim për ta zhvilluar karrierën e tyre dhe për t'u angazhuar në politikat publike dhe proceset e vendimmarrjes.
- Të angazhohen për të marrë pjesë plotësisht në të katër punëtoritë e obligueshme, përfshirë kampin pranveror dy-ditor. Derisa sesionet individuale me mentorin janë fakultative, ato inkurajohen shumë.

Për më tepër, pjesëmarrësit do të përzgjidhen duke marrë parasysh shpërndarjen gjeografike dhe integrimin e komuniteteve.

## Struktura dhe temat:

Programi me kohëzgjatje shtatë-mujore përbëhet nga katër punëtori të obligueshme dhe sesione trajnimi, së bashku me mundësitë për sesione të individualizuara të mentorimit në internet. Synohet që këto sesione të mbahen në prill, maj, qershor/korrik, shtator dhe tetor 2024. Punëtoritë do të mbahen në Prishtinë dhe do të plotësohen me kampin pranveror dy-ditor (vendi nuk është përcaktuar ende).

Sesionet individuale të mentorimit dhe ushtrimet me trajnerin në internet do të ofrohen përgjatë qershorit dhe korrikut 2024. Ato do të jenë të përshtatura për nevojat specifike të pjesëmarrësve. Punëtoritë/trajnimet/ushtrimet do të ofrohen nga eksperti ndërkombëtar, ndërsa, nëse nevojitet, do të ofrohet edhe përkthimi simultan në gjuhën angleze, shqipe dhe serbe.

Pjesëmarrësit në programin EmPOWER do të kenë mundësinë që të zgjerojnë njohuritë e tyre mbi çështjet që lidhen me fuqizimin e grave, duke përfshirë:

- Ndërtimin/konsolidimin e udhëheqjes politike;
- Ndërtimin e vetëbesimit;
- Krijimin e personalitetit personal dhe politik;
- Të folurit dhe debatimin në publik;
- Komunikimin politik dhe me votuesit;
- Kryerjen e suksesshme e fushatave zgjedhore;
- Rrjetëzimin dhe financimin nga publiku (crowdfunding) për të fituar mbështetje dhe burime;
- Integrimin gjinor;
- Shndërrimin e angazhimeve individuale dhe kolektive në veprime.

Temat e mësipërme do të përshtaten për të marrë në konsideratë përpjekjet e mundshme të fushatës zgjedhore në të ardhmen. Gjatë programit, do të ftohen folës të shquar nga politika, shoqëria civile dhe akademia për të ndërvepruar me pjesëmarrësit për të shtjelluar temat e zgjedhura dhe/ose për të ndarë përvojat përkatëse.

## Aranzimet:

Të gjitha shpenzimet në lidhje me pjesëmarrjen në programin EmPOWER do të mbulojnë nga Misioni në Kosovë i Organizatës për Siguri dhe Bashkëpunim në Evropë, përfshirë transportin, ushqimin, dhe pijet freskuese si dhe koston e modulit të kursit.

## Aplikimi<sup>1</sup>:

Për të aplikuar për EmPOWER, ju lutemi dërgoni dokumentet e mëposhtme në [empower@osce.org](mailto:empower@osce.org)

1. CV-në me informatat e kontaktimit;

2. Letër motivuese (maksimum një faqe), që përshkruan motivimin dhe pritshmëritë tuaja për të marrë pjesë në EmPOWER.

**Ju lusim që ta dorëzoni aplikacionin në gjuhën angleze, shqipe ose serbe deri më 15 mars 2024, në ora 23:59.**

1. Ju lutemi ta keni parasysh se duke ofruar të dhënat tuaja personale, ju jepni pëlqimin tuaj që Misioni i OSBE-së në Kosovë (OMIK) të mbledh, përpunoj, ruaj dhe transferoj të dhënat tuaja sipas nevojës për qëllime të këtij aktiviteti dhe në përputhje me politikat dhe procedurat e zbatueshme të OSBE-së.